



## Udhëzues për Organizatat e Shoqërisë Civile

### Fondi për Shoqërinë Civile për 2008

**Këtë vit fokusi i Fondit të Shoqërisë Civile për Shqipërinë do të jetë:**

- **Mbrojtja e mjedisit; dhe**
- **Angazhimi qytetar i të rinjve**

## Mbi Programin

**Fondi për zhvillimin social të shoqërisë civile ose Fondi për Shoqërinë Civile (FSHC), i njohur më parë si Programi i Granteve të Vogla mbështet aktivitetet që lidhen me angazhimin qytetar, duke siguruar grante të vogla që administrohen nga Zyrat Lokale të Bankës Botërore.**

**Ky fond inicion dhe mbështet aktivitete që i mundësojnë qytetarët të ndërmarrin iniciativa për të rritur ndikimin e tyre tek rezultatet e zhvillimit. Aktivitetet që synohen të mbështeten do të forcojnë mekanizmat për përfshirje, përgjegjshmëri dhe pjesëmarrje të qytetarëve. Gjithashtu, ato forcojnë partneritetin me sektorin publik, organizatat e tjera të shoqërisë civile dhe sektorin privat.**

### Rezultate të angazhimit qytetar

*Angazhimi qytetar përkufizohet si ndërveprim i qytetarëve, individëve apo grupeve të organizuara me sektorin publik për të forcuar mekanizmat e përfshirjes, përgjegjshmërisë dhe pjesëmarrjes nëpërmjet ndikimit të rezultateve të proceseve të zhvillimit.*

#### Angazhimi qytetar mund...

- **Të nxisë konsensusin publik dhe pronësinë lokale** për reforma dhe strategjinë e zhvillimit social-ekonomik të vendit dhe strategji të tjera të zhvillimit duke krijuar rrjete të shpërndarjes së njohurive e eksperiencave, duke nxitur bashkëpunimin e sektorit privat me atë publik, apo uljen e tensioneve e nxitjen e pajtimeve;
- **Të bëjë të dëgjohen shqetësimet e aktorëve primarë dhe sekondarë**, vecanërisht popullsisë së varfër dhe të mënjanuar, dhe të ndihmojë që ky zë të përfshihet në programet dhe politikat vendimmarrëse;
- **Të forcojë ndikimin e programeve të zhvillimit** duke ofruar njohuritë lokale, identifikuar rreziqet e mundshme, nevojën për asistencë dhe të zgjeroje rrethin e perfituesve, vecanërisht në nivelin lokal;
- **Të sjellë ide dhe zgjidhje novatore për sfidat e zhvillimit** në nivel lokal dhe global;
- **Të përmirësojë transparencën publike dhe përgjegjshmërinë** në programet e zhvillimit duke kontribuar në krijimin e një mjedisi të qeverisjes së mirë.

## Para se të aplikoni

Fondi i Bankës Botërore për Shoqërinë Civile mund të financojë vetëm një pjesë të vogël të kërkesave që i paraqiten. Shumë nga këto kërkesa nuk mund të merren parasysh, jo sepse janë të pajustificuara, por sepse nuk i plotësojnë kriteret ose qëllimet e programit. Ose, aktiviteti i propozuar mund edhe të plotësojë kriteret ose qëllimin e programit, por kërkesa për financim tejkalon fondet e disponueshme.

Para se të aplikoni, ju lutemi të lexoni Udhëzuesin për të parë nëse propozimi juaj përmbush kërkesat.

## Kush mund të aplikojë?

- Çdo organizatë vendase e shoqërisë civile që punon për problemet e zhvillimit mund të aplikojë për një grant;
- Organizatat e shoqërisë civile duhet të kenë pozita të forta, të kenë shënuar arritje gjatë aktivitetit të tyre në komunitet dhe të kenë besueshmëri financiare;
- Do t'u jepet përparësi organizatave të cilat nuk janë mbështetur nga ky Program gjatë viteve të mëparshme (organizatat nuk mund të përfitojnë më shumë se 3 grante nga Programi brenda një periudhe 5 vjeçare).

## Ç'loj aktivitesh do të mbështeten?

Programi i Granteve për Shoqërinë Civile për vitin 2008 do të përqëndrohet në:

(1) **mbrojtjen e mjedisit;** dhe (2) **angazhimin qytetar të të rinjve.**

Zyra e Bankës Botërore në Tiranë ju fton të paraqisni projekte për:

1 - **Mbrojtjen e mjedisit,** që:

- Synojnë mbrojtjen e mjedisit urban apo rural;
- Nxisin ndërgjegjësimin e komuniteteve për gjendjen mjedisore dhe ofrojnë zgjidhje të problemeve për të;
- Aktivizojnë aktorë të shoqërisë civile për të dhënë informacione apo krijuar rrjete mes mjedisit dhe zhvillimit në fusha të tjera si dhe për një pjesëmarrje me aktive në vendimmarrjen mbi çështje të mjedisit në nivel kombëtar apo lokal;
- Iniciojnë ndryshime positive mjedisore përmes partneriteteve, lobimeve, pjesëmarrjes publike etj;

2 - **Angazhimin qytetar të të rinjve,** që:

- Nxisin një pjesëmarrje më të madhe të të rinjve në diskutime dhe aktivitete në nivel kombëtar dhe lokal mbi çështje që lidhen me politikën rinore, arsimin, mirëqeverisjen, transparencën publike, migrimin e trurit, vlerave kulturore, etj.;
- I japin zë grupeve të të rinjve dhe ndihmojnë që nevojat dhe shqetësimet e tyre janë përfshirë në formulimin e politikave dhe programeve;
- Fuqizojnë grupet e përjashtuara dhe në nevojë të të rinjve për të ushtruar të drejtën publike për informacion;
- Rishikojnë kuadrin ligjor mbi angazhimin qytetar dhe çështje të të rinjve.

Aktivitetet mund të përfshijnë, por nuk kufizohen vetëm me forume, seminare dhe workshope për të rritur aftësitë dhe/ose njohuritë e angazhimit qytetar; fushata komunikimi për të ndikuar hartimin e politikave dhe shpërndarjen e shërbimeve publike; ose bashkimin e përpjekjeve për ngritjen e kapacitetit të një sektori të veçantë.

Aktiviteti duhet të mbyllet brenda tetë muajsh nga data e dhënies së grantit.

Prioritet do t'u jepet organizatave që nuk janë mbështetur nga Programi në vitet e shkuara.

## Ç'loj aktivitesh nuk do të mbështeten?

**Ky Program nuk mund të financojë:** programe kërkimore, programe trajnimi akademike, projekte aktive, ofrimin e shërbimeve bazë, mbështetje të vazhdueshme institucionale (p.sh. pajisje), bursa, programe studimi, fushata sensibilizimi për HIV/AIDS, aplikime individuale, ose të enteve të palegalizuara. Veprimtaritë e propozuara nuk duhet të konkurrojnë ose

zëvendësojnë instrumentat e Bankës Botërore; ato duhet të jenë në mënyrë të qartë të dallueshme nga programi normal i Bankës.

## **Madhësia e Grantit?**

Madhësia e grantit varion nga 3,000\$ deri në 7,000\$. Ky program rrallë mund të financojë mbi gjysmën e buxhetit të parashikuar për një aktivitet, duke preferuar të bashkëfinancojë me donatorë të tjerë. Organizatave aplikuese u kërkohet të shpjegojnë se si granti nga Banka Botërore mund të ndihmojë për marrjen e fondeve plotësuese nga donatorë të tjerë.

## **Si aplikohet për një Grant?**

Fondi për shoqërinë civile (FSHC) administrohet nga zyrat lokale të Bankës Botërore. Kërkesat dhe propozimet nuk duhet t'i dërgohen zyrove qendrore të Bankës Botërore, sepse vendimet nuk merren atje.

Udhëzuesit dhe formularët e aplikimit mund të tërhiqen pranë zyrës së Bankës Botërore në Tiranë, gjatë gjithë muajit janar dhe në faqen e internetit <http://www.worldbank.org.al> Fondi për shoqërinë civile i merr vendimet vetëm një herë në vit. Organizatat aplikuese duhet të aplikojnë të paktën katër deri në gjashtë muaj më parë nga data e aktivitetit. Aplikantët këshillohen të lexojnë me kujdes kriteret dhe formularin e aplikimit përpara paraqitjes së aplikimit në zyrat lokale të Bankës Botërore.

Fituesit e projekteve përzgjidhen nga një Komision i veçantë në zyrën lokale të Bankës Botërore. Aplikimet studiohen dhe rishikohen për t'u siguruar që përputhen me kriteret e vendosura. Fondi për shoqërinë civile u kushton vëmendje të plotë të gjitha propozimeve. Për shkak të numrit të madh të aplikimeve, vizitat personale në Zyrën e Bankës Botërore nuk inkurajohen.

Informacioni mund të gjendet gjithashtu edhe në faqen e internetit të Bankës Botërore: <http://www.worldbank.org.al>